

四庫全書

史部

欽定四庫全書

史部

欽定大清會典則例卷一百六十一

詳校官檢討臣劉 炘

編修臣程嘉謨覆勘

總校官原任中允臣王燕緒

校對官中書臣范 鰲

謄錄監生臣鄒世俊

欽定四庫全書

欽定大清會典則例卷一百六十一

內務府掌儀司一

一祭饗

奉先殿順治十四年定元旦冬至歲除

皇太后聖壽

萬壽聖節

冊封吉日及每月朔望奉請

神位於

前殿設籩豆讀祝奏樂祭饗○是年

諭

奉先殿恭祭

太祖

太宗未經合祭

四祖朕之孝思猶為未盡嗣後遇元旦

皇太后聖壽及朕誕辰恭請

太廟後殿

四祖

四后神位於

奉先殿與

列聖

列后合祭欽此○康熙十三年奏準凡遇元旦

太皇太后聖壽

皇太后聖壽

萬壽聖節恭請

太廟後殿

四祖

四后神位於

奉先殿合祭每月朔望冬至及

冊封等日大饗如前○十五年奏準

冊封等日停止大饗遣官於

後殿祇告○又奏準

奉先殿大饗祇告如遇

躬祀

壇

廟之日蒞祀

壇

廟禮成然後行禮○三十八年奉

旨元旦百官齊集人多奉請

神牌往返朕心未安著大學士內務府禮部太常寺會

議具奏欽此遵

旨議準

四祖神牌安奉

太廟後殿每歲時饗

後殿遣官行禮歲除大祫於

太廟元旦又奉請

神牌合祭於

奉先殿似屬重複請嗣後元旦

皇太后聖壽

萬壽聖節停止恭請

後殿

四祖神位合祭於

奉先殿即於

太廟後殿遣官一如

奉先殿儀列籩豆讀祝奠帛獻爵行禮○雍正十三年

奉

旨祭

奉先殿遵

太廟四孟時饗之禮增上香儀○是年十月奉

旨嗣後朕親詣

奉先殿行禮令太常寺官贊禮執事○乾隆元年奏準
奉先殿各香案增設燭臺二再各案增設爵墊

一升祔

奉先殿順治十四年鼎建

奉先殿前殿九間後殿九間穿堂三間

後殿同殿異室每寢室各設神龕寶牀帷幄帳幔樺

橈奉安前期內府官豫於

奉先殿設龍鳳寶座各一於殿中南嚮設龍鳳寶座各
一於左一間東位西嚮設朝鐙香几鑪各十有
二寶座前均設籩豆案前設香帛案兩序設尊
爵帛篚案中一間左旁設祝案設

御拜位於闕內正中奉安之日黎明內府掌儀司官

率所屬陳祝帛登銅簋簋邊豆於各案點香燭
內府各執事官暨太常寺贊禮官樂舞生等各
共執事內大臣侍衛內務府官咸朝服於

誠肅門外兩旁序立

世祖章皇帝御禮服陞輿出

宮至恭造

神牌處降輿詣

太祖高皇帝神位前行一跪三拜禮恭奉

神位內府官在後隨行禮執事官設黃輿一於門外正

中一於左均南嚮

世祖章皇帝恭奉

太祖高皇帝神牌恭奉

神牌官各恭奉

神牌奉安黃輿內

世祖章皇帝於

黃輿前行一跪三拜禮奉請各官隨後行禮畢內府

官舁

黃輿由中門出詣

奉先殿

世祖章皇帝隨出陞輿隨行內大臣侍衛等皆跪候
黃輿過隨行至

誠肅門

世祖章皇帝降輿隨入內大臣侍衛內務府官咸隨入
至

奉先殿前階下分班兩翼序立

黃輿由

奉先門中門入至殿陞上北嚮止贊引官二人恭導
世祖章皇帝詣

黃輿前行一跪三拜禮恭奉

神牌各官隨後行禮畢各恭奉

神牌以次升

奉先殿奉安於各寶座正中奉安

太祖高皇帝神牌於左

高皇后神牌於右南嚮左一間奉安

太宗文皇帝神牌次

孝端文皇后神牌東位西嚮

世祖章皇帝行一跪三拜禮奉請各官隨後行禮退執

事官徹黃輿

世祖章皇帝詣拜位前立掌儀司官引內大臣侍衛內
府官於階下咸東西上北面立乃行大饗禮凡

贊禮作樂奠帛獻爵一如

太廟時饗儀惟不設牲牢不行飲福受胙禮禮成贊引
官恭導

世祖章皇帝由

殿左門出立檐下東旁西嚮內大臣侍衛內府官於
兩旁序立樂闋恭導

世祖章皇帝入

殿內於

太祖高皇帝神位前行一跪三拜禮恭奉

太祖高皇帝神牌奉請各官隨後行禮畢各恭奉
神牌以次升入

後殿奉安

太祖高皇帝神牌於中一室神龕內居左
孝慈高皇后神牌居右奉安

太宗文皇帝神牌於東一室神龕內居左

孝端文皇后神牌居右均南嚮奉安畢

世祖章皇帝退至

寢室門外上香行一跪三拜禮奉請各官隨後行禮贊

引官恭導

世祖章皇帝由

後殿左門出由

殿東出

奉先門左門至

誠肅門外陞輿

還宮○十八年恭奉

世祖章皇帝神牌升祔

奉先殿豫期祗告是日恭奉

列聖

列后神牌於

前殿奉安

世祖章皇帝神牌於右一間西位東嚮行大饗禮如儀

禮成恭奉

世祖章皇帝神牌奉安於

後殿西一室神龕內南嚮○康熙六年奉

孝康皇后神牌升祔

奉先殿豫期祇告是日恭奉

列聖

列后神牌於

前殿奉安

孝康皇后神牌於右一間

欽定四庫全書

金匱要略卷一百六十一

世祖章皇帝之次行大饗禮如儀禮成恭奉

孝康皇后神牌奉安於

後殿西一室神龕內

世祖章皇帝神位之右南嚮○十四年奉

仁孝皇后神牌祔饗

奉先殿豫期

聖祖仁皇帝親詣

後殿祇告是日奉

太祖高皇帝

孝慈高皇后神牌於

奉先殿正中

太宗文皇帝

孝端文皇后神牌於左一間

世祖章皇帝

孝康章皇后神牌於右一間均南嚮奉

仁孝皇后神牌於左二間東旁西嚮遣官行大饗禮如

儀禮成恭奉

仁孝皇后神牌奉安於

後殿左二室神龕內南嚮○十八年奉

孝昭皇后神牌祔饗

奉先殿前期

聖祖仁皇帝親詣

後殿祇告是日遣官行禮一如

仁孝皇后祔饗儀奉安

孝昭皇后神牌於

仁孝皇后之次東旁西嚮禮成恭奉

孝昭皇后神牌奉安於

後殿左二室神龕內

仁孝皇后神位之右南嚮○是年恭修

奉先殿暫奉

列聖

列后神牌奉安於

太廟中殿各寢室

仁孝皇后

孝昭皇后神牌並寶座仍奉

奉先殿東旁一間用黃幄籠罩遮以步障自是暫輟朔

望時令祭饗每月令內府官照常薦新有事則

告○二十年恭修

奉先殿告成是日恭奉

神牌各官至

太廟各於

神位前上香行一跪三叩禮恭奉

神牌安奉黃輿行一跪三叩禮校尉舁輿前列御仗

聖祖仁皇帝袞服於

奉先殿誠肅門內之南內大臣侍衛咸補服於

誠肅門外恭迎

黃輿至跪候過輿

黃輿進至殿陞上北嚮止引禮官恭導

聖祖仁皇帝隨入內府官引內大臣侍衛隨入於階下

兩翼序立恭奉

仁孝皇后

孝昭皇后神牌官二人恭奉

神牌拱立於左側

聖祖仁皇帝詣

太祖高皇帝黃輿前行一跪三拜禮奉請

太祖高皇帝神牌奉請各官隨後行禮畢各恭奉

神牌入

奉先殿以次奉安於各

寶座畢行一跪三拜禮奉請各官隨後行禮畢退執事

官徹黃輿

聖祖仁皇帝就拜位行大饗禮如儀內大臣侍衛內府
官均隨行禮禮成恭奉

神牌還御

奉先殿後殿各寢室○二十七年恭奉

孝莊文皇后神牌升祔

奉先殿是日恭奉

列聖

列后神牌於

前殿遣大臣二人恭奉

世祖章皇帝

孝康章皇后神牌東嚮側立大臣二人恭奉

仁孝皇后

孝昭皇后神牌稍下西嚮側立

聖祖仁皇帝恭奉

孝莊文皇后神牌入

奉先殿奉安於左一間

孝端文皇后之次南嚮次奉

世祖章皇帝

孝康章皇后神牌大臣二人奉安

神位於寶座奉

仁孝皇后

孝昭皇后神牌大臣二人奉安

神牌於拜席退立兩旁贊禮官跪奏祇見

孝莊文皇后

聖祖仁皇帝代行三跪九拜禮畢大臣二人跪奉

神牌興奉安於

寶座

聖祖仁皇帝詣拜位行大饗禮如儀禮成恭奉

孝莊文皇后神牌奉安於

後殿東一室神龕內

太宗文皇帝神位之右南嚮○二十八年奉

孝懿皇后神牌祔饗

奉先殿一如

仁孝皇后祔饗儀奉安

孝懿皇后神牌於

孝昭皇后之次東旁西嚮禮成恭奉

孝懿皇后神牌奉安於

後殿左二室神龕內

仁孝皇后居中

孝昭皇后居左

孝懿皇后居右均南嚮○五十七年恭奉

孝惠章皇后神牌升祔

奉先殿時

聖祖仁皇帝足疾不能行禮遣

皇子行禮一如

孝康章皇后升祔儀奉安

神牌於

世祖章皇帝神位之次

孝康章皇后神位之上南嚮禮成奉

孝康章皇后神牌奉安於

後殿右一室神龕內

世祖章皇帝居中

孝惠章皇后居左

孝康章皇后居右均南嚮○雍正元年恭奉

聖祖仁皇帝

孝恭仁皇后神牌升祔

奉先殿豫期祇告是日恭奉

列聖

列后神牌於

前殿設

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后神位於東二間均南嚮

世宗憲皇帝恭奉

聖祖仁皇帝神牌

命親王四人恭奉

孝誠仁皇后

孝昭仁皇后

孝懿仁皇后

孝恭仁皇后神牌升入

奉先殿奉安

聖祖仁皇帝神牌於東二間第一

寶座南嚮奉

四后神牌王等各跪安

四后神牌於拜席北嚮退立兩旁贊禮官跪奏祇見

聖祖仁皇帝

世宗憲皇帝於

神牌後恭代行三跪九拜禮興恭奉

神牌王等就拜席跪各恭奉

神牌以次奉安於

聖祖仁皇帝神位之次奉

神牌王等退出

殿外階上內大臣侍衛內府官於階下均隨行禮

世宗憲皇帝詣拜位行大饗禮如儀禮成恭奉

聖祖仁皇帝

四后神牌奉安於

後殿東二室神龕內

聖祖仁皇帝居中

孝誠仁皇后居左

孝昭仁皇后居右

孝懿仁皇后於

孝誠仁皇后之左

孝恭仁皇后於

孝昭仁皇后之右均南嚮○乾隆二年恭奉

世宗憲皇帝

孝敬憲皇后升祔

奉先殿豫期祇告是日恭奉

列聖

列后神牌於

前殿設

世宗憲皇帝

孝敬憲皇后神位於西二間均南嚮

皇帝恭奉

世宗憲皇帝神牌

命親王恭奉

孝敬憲皇后神牌升入

奉先殿奉安

世宗憲皇帝神牌於西二間第一

寶座南嚮奉

孝敬憲皇后神牌親王跪安

孝敬憲皇后神牌於拜席北嚮退立西旁贊禮官跪奏

祇見

世宗憲皇帝

皇帝於

神牌後恭代行三跪九拜禮興就拜席跪奉

孝敬憲皇后神牌奉安於

世宗憲皇帝神位之次

皇帝詣拜位行大饗禮如儀禮成恭奉

世宗憲皇帝

孝敬憲皇后神牌奉安

後殿西二室神龕內

世宗憲皇帝居左

孝敬憲皇后居右均南嚮○是年重修

奉先殿豫期祇告恭奉

列聖

列后神牌奏安於

太廟中殿暫輟朔望時令祭饗每月照常薦新有事則

告○三年重修

奉先殿告成是日恭奉

神牌各官至

太廟於各

神位前上香行一跪三叩禮恭奉

神牌安奉黃輿內行一跪三叩禮校尉舁輿前列御仗

導引

皇帝袞服立竝於

奉先殿誠肅門之西和碩親王以下內大臣侍衛暨內

府各官咸補服立於

誠肅門外之南西面恭迎

神牌黃輿至

誠肅門外

皇帝跪衆皆隨跪候

神牌黃輿過輿贊引官恭導

皇帝隨後行衆皆隨行

黃輿至

奉先門內殿陞上北嚮止贊引官恭導

皇帝詣

太祖高皇帝黃輿前立恭奉

神牌王等各隨至

黃輿前引禮官引內大臣侍衛及內府官由

誠肅門

奉先門兩旁門入至階下按翼東西面序立

皇帝行一跪三拜禮恭奉

神牌王等在後隨行禮

皇帝恭奉

太祖高皇帝神牌奉

神牌王等各恭奉

神牌隨

皇帝以次進

殿奉安於各

寶座行一跪三拜禮王等均隨行禮

皇帝就拜位立王等各退出於殿陞上按翼北面序

立內大臣以下各官均北面立行大饗禮如儀

奉

神牌王等暨內大臣以下均隨行禮禮成恭導

皇帝由

殿左門出立檐下東旁西嚮引禮官引陪祀王公大臣

官員兩旁序立樂闋恭導

皇帝入殿詣

太祖高皇帝神位前行一跪三拜禮恭奉

太祖高皇帝神牌奉

神牌王等各詣

神位前隨行一跪三叩禮各恭奉

神牌以次隨行還御於

奉先殿後殿各寢室

皇帝退至

寢室門外上香行一跪三拜禮王等隨後行禮畢恭導

皇帝由

後殿左門出由

殿東出

奉先門左門至

誠肅門外陞輿

還宮○十八年奉

孝賢皇后神牌祔饗

奉先殿豫期

皇帝親詣

後殿祇告是日遣親王行禮設

孝賢皇后神牌於左三間東旁西嚮禮成恭奉

孝賢皇后神牌奉安於

後殿左三室神龕內南嚮

一加上

廟號尊諡康熙元年恭加上

太祖高皇帝

太宗文皇帝廟號尊諡恭奉改題加上

廟號尊諡神牌奉安於

奉先殿後殿遣大臣行禮○九年恭加上

孝康章皇后廟號恭奉改題加上

廟號神牌奉安於

奉先殿前期一日遣官祇告是日

聖祖仁皇帝親詣行大饗禮如儀○雍正元年恭加上

列祖

列后尊諡恭奉改題加上

尊諡神牌奉安於

奉先殿

世宗憲皇帝親詣行大饗禮如儀○乾隆元年恭加上
列祖

列后尊諡恭奉改題加上

尊諡神牌奉安於

奉先殿

皇帝親詣行大饗禮如儀

一祇告順治十四年定春秋

御經筵前期

行幸前期

還宮次日均於

後殿讀祝文祇告○康熙十一年

聖祖仁皇帝行耕藉禮前期遣官祇告於

後殿○十三年奏準春秋

御經筵日遣官祇告○雍正五年奏準春秋

御經筵及

行幸如遇大風雨雪則請

旨改期將前期祇告改為本日至行耕藉禮定期亥

日仍用前期○乾隆二年奏準

車駕行幸仍於前期祇告如遇朔望則改於本日

一

列聖

列后忌辰及元宵立春清明四月八日端陽霜降重陽
除夕皆祭康熙十三年奏準元宵晚上鎰忌辰

均遣官行禮

元宵補服忌辰素服

○又奏準四月初八等

日令掌儀司官上香行禮

常服

○二十三年奏準

歲除立春清明霜降日如遇事祇告照常行禮

忌辰遇祇告行忌辰禮於次日補行祇告禮○

雍正九年奉

旨嗣後恭遇

聖祖仁皇帝聖誕於

奉先殿後殿上香致祭○乾隆元年奉

旨

列祖聖誕均應如

聖祖仁皇帝聖誕儀於

奉先殿後殿上香致祭

世宗憲皇帝升祔

奉先殿後

聖誕日亦上香致祭○十八年奉

旨嗣後親詣

奉先殿後殿上香行禮著內務府總管一人前引

一薦新正月薦鯉魚青韭鴨卵二月薦蒿苳菜
菠菜小葱芹菜花鰕魚三月薦黃瓜蔓蒿菜雲
臺菜茼蒿菜水蘿蔔四月薦櫻桃茄子雛雞五
月薦杏李蕨菜香瓜子鵝桃桑椹六月薦杜梨
西瓜葡萄蘋果七月薦梨蓮子菱榛仁藕野雞
八月薦山藥栗實野鴨九月薦柿鴈十月薦松
仁軟棗蘑菇木耳十一月薦銀魚鹿肉十二月

薦蓼芽綠豆芽兔鰾鯉魚其豌豆大麥文官果
等一應鮮魚及奉

旨特薦鮮品皆隨所得所到內監薦獻行禮○順治
十四年議準每日供獻湯飯果五盤肉三盤上
香行禮○康熙十三年奏準

奉先殿早晚點香燭停止每日供獻每月薦新令掌儀
司官於

後殿上香行禮具常服遇吉期具補服其祭品均由

內監於

奉先殿神廚恭造○十八年重修

奉先殿奉

列聖

列后

神牌於

太廟中殿安奉一應祭祀暫停每月薦新仍著本司官

詣

太廟照常行禮薦獻

一恭奉

神牌官順治十四年奏準恭奉

神牌官於內務府屬郎中員外郎內按

神位各奏簡一人備一人○雍正六年奉

旨嗣後恭奉

神牌慎刑司官不必簡用○十年議準

奉先殿大祭及祇告遣官暨奉

神牌執事各官均豫期於各該衙門敬謹齋戒

一奉

神牌祭日恭奉

神牌各官至

後殿奉

列聖神牌官各於

寢室外上香及奉

列后神牌官均行一跪三叩禮各就

寢室恭奉

帝位官升陞至神龕先奉

后位恭授奉

后位官立於龕下西旁方奉

帝位降陞

帝位前行

后位隨行如三位五位均依末位先奉起恭授奉

后位各官立於龕下兩旁方奉

帝位以次出

後殿內監二人執羊角引鐙恭導至

前殿先奉安

正中位以次奉安左右位於各

寶座一跪三叩退禮成還宮時仍各就

神位前一跪三叩先從右末位奉起以次恭奉還御至

寢室奉

帝位官升陞至神龕先奉安

帝位次奉

后位官奉

后位恭授奉

帝位官安奉三位五位均以次奉安畢各退至

寢室外照前上香行禮

一陳設

奉先殿前殿正中設龍寶座一於左鳳寶座一於右左
一間設龍寶座一於右次鳳寶座二右一間設

龍寶座一於左次鳳寶座二左二間設龍寶座
一於右次鳳寶座四右二間設龍寶座一於左
次鳳寶座一均南嚮每間各設籩豆案一香帛
案一鑪一鐙二左三間東旁設鳳寶座一西嚮
前設籩豆案一香帛案一鑪一鐙二東西序設
尊案香案帛案各一殿內設羊角座鐙二十一
鼎鑪香几各二十一

後殿

寢室各設神龕寶牀帳幔帷幄席褥衾枕樨梳

寢室內設案一陳鑪一鐙二油鐙二花鉶二

寢室門外每

神位設寶倚一每室設案一前帛案一香几一陳香鑪

一香合一羊角座鐙二東西序設尊案爵案帛

案各一共雨傘六行祇告禮於中一室外右旁

設祝案一穿堂設羊角座鐙四

前殿

後殿階下左右各設朝鐙二遇大饗日

奉先門內正中設門鑪香案一祭時焚香自

誠肅門至

前殿階上階下共設座鐙六十穿堂兩廂及東夾道
共設座鐙二十祭日點鐙均於祭前一日營造
司安設禮成徹回○慶成鐙每

室二聯順治十四年奏準每年正月初九日張懸元宵
三日點鐙十七日徹出○乾隆十五年奉

吉於年前二十七日張懸歲除元旦立春日皆點燈

○大饗每

神位前奉先制帛一

李賢皇后素帛一

金爵三登一鉶一金

匕一金箸一雙尊一每案簋二簋二籩十有二

豆十有二筐一鑪一鐙二祝版以枅木為之高

一尺濶二尺厚五分以白紙糊黃紙緣邊墨書

登鉶簋籩籩豆之實登實以大羹

用清肉汁不和鉶實

以和羹

以熟羊肉為之

簋實以黍稷

以黍米稷米為飯

簋實以

稻梁

以秬米梁米為飯

籩實以形鹽蒙魚棗栗榛菱芡

脯

元旦用鹿脯朔望用羊脯

白餅

白麴為之

黑餅

蕎麴為之

糗

餌

梔子水和米粉為之

粉餐

糯米粉為之

豆實

以韭菹

以青韭切四寸

醢醢

切生豕以五味調和

菁菹

以白菜切四寸

鹿醢

與鹿脯同

芹菹

以芹

菜切四寸

兔醢

切生兔為之

筍菹

以片筍切四寸

魚醢

切鮮魚為之

脾

析

細切羊肚為膾

豚胎

以豕肩肉切圓

飣食

以糯米為飯和以蜜

糝食

以秬

米為飯和以羊膾

尊春用犧尊夏象尊秋著尊冬壺尊

祗告每

神位前奉先制帛一

孝賢皇
后素帛一

金爵三金七一金箸

一雙尊一每案遵六實以鹿脯

經筵用鹿
餘用羊

葡萄

核桃仁棗實榛仁蓮子豆二實以鹿醢

與鹿
脯同兔

醢筐一鑪一鐙二

列聖聖誕

列聖

列后忌辰元宵清明四月八日霜降歲除均於

後殿每

神位前設瓷爵三果實十二盤立春端陽重陽設果實

八盤均熟羊肉豕肉各一盤

自十二月初七日至元宵用野雞鹿

肉四月八日
不設酒肉

○雍正元年以

壽皇殿尊奉

聖祖仁皇帝御容歲時奠獻日以為常遇

聖誕忌辰元正令節

世宗憲皇帝率諸

皇子及近支王公展謁行禮一應焚香奠獻均以

內監司其事○乾隆元年奉

世宗憲皇帝御容於東一室歲時奠獻展謁行禮一如

尊奉

聖祖仁皇帝御容之儀

一元日

親詣

堂子行禮崇德元年定每年元日

躬率親王以下副都統以上暨外藩來朝王等詣

堂子上香行三跪九拜禮○六年定每年元日親王以

下貝勒以上遣護衛赴

堂子挂紙貝子以下不挂

今郡王以上挂貝勒以下停挂

○順治元年

建

堂子於

長安左門外御河橋東祭

神殿五間南嚮上覆黃琉璃前為拜

天園殿八面櫺扉北嚮東南

上神殿三間南嚮內垣一重門三間西嚮門外西南祭

神房三間北嚮門西直北為街門三間以朱柵外垣一重○二年定守衛

堂子設七品官二人八品官二人由禮部選補○又定每年元日

親詣

堂子行禮或不行禮由禮部豫期奏請○又定元日

親詣

堂子行禮親王以下貝勒以上外藩來朝親王以下貝勒以上皆赴

太和門齊集鹵簿大駕樂器陳設如常儀

駕出王等在

午門內金水橋南分翼序跪候

駕過隨行貝子以下鎮國將軍以上民公侯伯都統子滿漢尚書漢武官一品以上等官及外藩來

朝貝子以上都統以上均於

長安左門外齊集竣

駕至跪候過隨行至

堂子行禮時王以下各官隨行禮畢

駕還宮王公從其不隨往之文武各官咸朝服於

午門外齊集

皇帝往還時皆排跪迎送○又定每年元日

躬率王公羣臣展拜於

堂子禮成回鑾王貝勒貝子等詣

乾清門恭候

皇帝率王貝勒貝子於

宮中祭

神殿行禮由禮部豫期請

旨○康熙十一年

諭人君對越神祇務盡其誠敬之心禮儀節文宜臻明

備每年元旦躬詣

堂子展拜可令鳴贊贊禮永著為令欽此○十二年奉
旨嗣後

堂子行禮漢官不必隨往○二十九年定元日

皇太子隨

駕詣

堂子行禮是日內務府總管於

圜殿進楮帛畢次以

皇太子楮帛進

皇太子隨

駕出宮至

堂子於

皇帝拜位後稍左隨行禮

宮中祭

神殿行禮儀同○雍正元年議準元日

皇帝詣

堂子王以下滿文武一品官於街門內內門外西邊序

立

聖駕至跪候過隨入行禮○乾隆元年奏準增設

堂子祭

神殿黃紗鐙四座

圜殿黃紗鐙四座大門紅鐙四座甬道紅鐙二十八座

○又奏準

堂子增設灑掃人役十有二名由內務府選送○十七

年奉

旨

堂子祀典載入內務府會典

一春秋二季立杆致祭崇德元年定親王郡王
貝勒每家各祭三杆貝子鎮國公輔國公每家
各祭二杆鎮國輔國奉國將軍每家各祭一杆
不祭者聽無爵宗室不得祭每月初一日
大內致祭初二日以後親王郡王貝勒貝子公等
各以位次按日致祭各家應祭之日若遇

大內致祭則應祭之家暫停凡祭三杆之家於定期內各祭一杆過十一日後再各祭二杆或致祭日有兩三家同祭者仍依位次竢應先祭之家祭畢次祭之家方祭如諸王貝勒於定期致祭之日有事不得祭豫期知會禮部令次祭之家致祭其有事者隨便補祭

今自

八分公均祭一大內至

杆鎮國將軍以下不立杆致祭

凡為馬羣致祭者親王以下輔

國公以上許祭鎮國將軍以下不許有違例多

祭及爭先致祭者議處○又定凡官員庶人等
設立

堂子致祭者永行停止○又定每年春秋立杆致祭於

堂子用松樹一株

留樹杪枝葉十有三層餘皆
芟去枝葉削成杆長二丈

柵木旛

頭黃絹旛一首五色綾各九尺

剪為
縷

三色朝鮮

貢紙八十張

打為
錢

黃棉線三斤八兩及染旛染

紙用紫花槐子白礬均交各該處辦進○順治

二年定每年春秋立杆致祭

聖駕親詣行禮祭日鹵簿大駕全設內務府掌儀司

官設

御拜褥於

堂予祭

神殿內

圜殿內角道鋪椶薦兩殿內鋪五采花席花紅氈

皇帝御禮服乘輦出王以下入八分公以上在

午門內金水橋南兩翼排跪候

駕過隨行不入八分公以下暨文武各官均於

午門外排班跪送

駕至

堂子門外降輦入至殿外嚮東坐王貝勒等在丹陛上
貝子入八分公等在丹墀內坐

皇帝於正殿及

圜殿兩處行一跪三拜禮諸王大臣皆序立不隨行禮
禮成於殿檐下西旁正坐公以上在丹陛上分

翼序坐進福餽飲福酒畢

皇帝陞輦作樂

還宮○又定春秋致祭贊祀所用朝衣及請
神位至

堂子所用黃輿御仗衣帽均於各該處領取○康熙二
十年定凡遇春秋致祭

大內致祭次日

皇太子宫致祭○五十七年奏準嗣後奉請

神位至

堂子令步軍除道清蹕侍衛十人前導掌儀司官及司
俎官導引隨行以肅觀瞻所用黃輿及執御仗
內監導引官員均由司辦理外其前導侍衛移
文領侍衛內大臣委侍衛十人並移文步軍統
領清蹕除道○乾隆十一年奉

旨嗣後春秋立杆致祭親詣

堂子行禮儀注著禮部會內務府同奏○十九年

諭王公等建立神杆應按爵秩設立整齊以肅觀瞻
嗣後著每翼作為六行每行六分以未分封皇子
等列於前其次則親王郡王貝勒貝子公等分為
六層設立神杆皇子內已受封爵者其神杆視所
封爵立於應立之處所有石座不必移動神杆各
按爵秩更換每年修整一次著禮部會同內務府
總管察看繪圖進呈著為例欽此遵

旨議準神杆石座每翼作為六行每行列六座

皇子神杆列前一行其次親王郡王貝勒貝子公
各按行排列見在左翼親王七人郡王三人貝
勒三人貝子一人公二人應將第七親王神杆
石座列於次行郡王之首餘皆按次排列右翼
親王四人郡王六人貝勒二人貝子一人公十
有七人人數多寡不齊應將親王列於前其次
郡王貝勒貝子公按一行六座之數通融序列
謹繪圖黏籤進呈

御覽嗣後遇有應那移神杆宗人府豫期行文禮部
注册至年終禮部滿堂官會同內務府總管赴
堂子敬閱將神杆石座修整一次再見在所有神杆石
座原繫各王貝勒貝子公本家設立石塊大小
不一亦不整齊應交工部選其堪用者修飾應
用不堪用者別行製造均修飾潔淨安設
一月朔致祭崇德元年定每月朔親王以下貝
子以上每府委官一人前期齋戒是日詣

金少曰 卷一百六十一
堂子供獻

今自郡王以上供獻

一浴

佛崇德元年定每年四月初八日

大內並每旗王貝勒一人依次往

堂子供獻

今惟親王郡王供獻是日

大內及各旗佐領軍民人等不祈禱不祭神禁屠

宰不理刑名○順治二年定浴

佛日贊祀所用朝衣及請

佛至

堂子用黃輿御仗衣帽於各處領取與春秋致祭同

一

大內祭

神順治初年定

大內每日祭

神二次晨以寅卯時晚以未申時均用豕二月朔皆用

時果九盤餘日皆饌九盤一應造辦均由祭

神殿司俎官率各執事首領內監率內監司香婦長率
司香婦掌爨婦碓房婦祇承其事由司掌行祭
豕粢盛柴薪及造辦祭品一應器皿均照司俎
官呈報移文各該處敬謹辦進祭

神所用安春香每年一次於口外採取移文會計司並
內管領○又定祭

神殿設司俎官五人

正六品

司俎執事十有八人宰牲十

人掌籍三人服役二十人贊祀女官長二人贊

祀女官十人

均於上三旗覺羅命婦內選取

司香婦長六人司

香婦二十四人掌爨婦長三人掌爨婦十有六

人碓房婦長六人碓房婦三十一人內監首領

三人

正八品二人
未入流一人

內監二十六人○又定每歲

四孟月以牛二馬二金十兩銀百兩幣十布四

十敬獻於

神豫期具奏交各該處備辦及敬獻畢付會計司計直

辦豕以供祭祀○康熙二十年定贊祀女官十

有二人歲給官用段二疋紗綾細絹杭細各一
疋其長二人加給官用素段一疋均以歲十月
於廣儲司領取○又定

皇太子宮每日祭

神暨四季敬

神皆視

大內之半

四十七年停止
歸於大內

○又定

皇子分封後該府內安

神祭

神敬

神所用馬牛金銀段布及一切所用各項陳設祭品均

按爵秩奏準移付各該處照例如數給發○雍

正四年奉

旨祭

神殿執事婦人皆賞給銀米遵

旨議準司香婦長六人各月給銀二兩米二斛司香婦

二十四人掌爨婦長三人碓房婦長六人各月
給銀一兩米一斛二斗五升掌爨婦十有六人
碓房婦三十一人各月給銀五錢米一斛銀於
廣儲司米於內管領處支領如有增減據司俎
官開報咨行○八年奉

旨嗣後四孟敬

神於巳午未三時內擇定一時具奏○乾隆十六年奉
旨來年祭

神及敬

神均定於初四日遵

旨議準正月祭

神選吉日請

旨如年前立春將祭

神日及敬

神日一并具奏如正月立春別選敬

神吉日具奏

一出師展拜

堂子崇德元年

太宗文皇帝親征朝鮮是日恭詣

堂子行三跪九拜禮復於

堂子外建立八纛致祭行禮畢啟行○二年班師恭詣

堂子行禮○三年

命王貝勒等為大將軍出征

聖駕親詣

堂子行三跪九拜禮外立八纛行一跪三拜禮○康熙

十三年

聖祖仁皇帝命王為大將軍率領大兵出征是日率出征王及諸王貝勒都統尚書等官出征副都統以上各官詣

堂子行三跪九拜禮次於纛前行三跪九拜禮○十四年撫遠大將軍王副將軍大學士等平定察哈爾大兵凱旋

聖祖仁皇帝率大將軍暨在京諸王公大臣詣

堂子行禮○三十五年

聖祖仁皇帝親率六軍征討厄魯特噶爾丹率諸王大

臣詣

堂子行三跪九拜禮禮畢至內門外致禮於

旗纛之神畢乃啟行○是年

聖祖仁皇帝自克勒和朔統軍回鑾鹵簿大駕全設詣

堂子率皇太子諸皇子王公滿大臣等行三跪九拜禮

○五十七年

聖祖仁皇帝命撫遠大將軍王西征

躬率將士詣

堂子行禮拜纛如儀○雍正七年

世宗憲皇帝命定邊大將軍北征

躬率將士詣

堂子行禮拜纛如儀○乾隆十三年

命大學士經畧金川兵部建

御營黃龍大纛二八旗護軍纛八於

堂子內門外之南

皇帝率經畧及從征二品大臣王公各官於

堂子行禮畢詣纛前行三跪九拜禮○十四年

諭

堂子之祭乃我朝先代循用通禮所祭之神即

天神也

列祖膺圖御宇既稽古

郊禋而燔柴典重舉必以時

堂子則舊俗相承遇大事及春秋季月上旬必祭

天祈報歲首先展禮定鼎以來恪遵罔怠且不易其
名重舊制也考諸經訓祭天有郊有類有祈穀祈
年禮本不一兵戎國之大事故命遣大將必先有
事於

堂子正類祭遺意而列蠲行禮則禡也我

祖宗於行營中或別有征討不及歸告

堂子則望祭而列蠹行事其誠敬如此朕思出師告遣
則凱旋當告至乃

天

地

宗

社皆已祝冊致虔且受成大學而

堂子則弗之及祠官疎畧如

神貺何祀典攸關彝章宜備著議政王大臣等詳悉具

議朕親為裁定載入會典欽此遵

旨議準凡大兵凱旋致祭於

天

地

太廟

奉先殿

社稷

陵寢如常儀外

皇帝展拜於

堂子令欽天監擇吉屆期鹵簿大駕全設凱旋將帥大

臣等在金水橋文武各官在

午門外常朝處王貝勒貝子公大學士都統尚書

等一品官在

堂子內門外序立禮部堂官奏請

皇帝詣

堂子行禮不隨行禮王以下各官候

駕過跪送凱旋將帥皆隨行諸王貝勒貝子公大學士都統尚書等一品官竢

駕至跪候過隨入禮部堂官恭導

皇帝進

堂子就拜位凱旋將帥大臣等皆依次序立鳴贊官奏跪拜興

皇帝行三跪九拜禮凱旋將帥等均隨行禮畢奏禮成禮部堂官恭導

皇帝出至內門外乘輿

還宮

詳見禮部
軍禮則例

一祭

羣神之禮雍正元年奉

旨以西苑紫光閣北前後殿改建為時應宮前殿奉

四海

四瀆龍神後殿中奉

順天佑畿時應龍神兩旁左右奉十有七省

龍神設住持道士以供香火每月六月十三日新
正前後九日

萬壽聖節前後三日皆啟建道場○四年奏準建內
城隍廟於

紫禁城內西北隅以奉

紫禁城城隍之神每歲

萬壽聖節及季秋與

都城隍廟同日致祭祭品同遣內務府總管行禮

○五年遷直省

龍神位奉於各省增修後殿以奉

八方龍神○六年

諭朕惟風雨時若百物繁昌皆由敬誠感格

天心用能福佑下民時和歲稔而司天號令長養阜成
風神之貺厥功允懋頻年以來朕虔祝龍神有祈必
應其福庇蒼生者歷有明驗因思風神異順和煦茂
時育物亦宜特隆祀典以答洪庥考之周禮大宗伯

以禋燎祀風師虞書禋於六宗劉歆鄭康成注咸謂六宗之內風神師其一也歷代各置壇兆至宋祥符間曾立風伯廟近代及本朝皆列

南郊四配之中典禮具備今欲於都城和會之地特建廟宇因時禱祝以展朕為民祈福之誠應如何考據禮儀相度營建之處著禮工二部會同內務府詳議具奏欽此遵

旨議準

風師為箕星經傳考據既有明文箕星為蒼龍之第七宿位在東北致祭方向自宜就其星位於都城內東北和會之地建立廟宇其廟宇規制仿時應宮式營建其風神封號並廟名匾額交與內閣撰擬字樣進呈

御覽恭候

欽定刊刻神牌製造匾額竣廟成之日令欽天監選擇吉日敬謹供奉懸挂禮部於都城道士內遴選

住持其每年立春後丑日致祭以及朔望祭品
每日香鐙交內務府備辦○是年

欽定風神封號曰應時顯佑風伯之神廟曰宣仁廟○
七年

諭朕惟雲雨風雷之神代天司令俾百昌萬寶普含膏
澤以錫福於烝民厥功並懋朕躬承

天眷恪修祀典為四海蒼黎仰祈嘉佑已經特建廟宇
崇祀龍神風伯而雲師雷師尚闕專祠嘗考虞書裡

於六宗之文漢人以乾坤六子釋六宗震雷巽風咸
列禋祀而易曰雷以動之風以散之則風雷之發生
萬物功實相等禮記曰天降時雨山川出雲周禮亦
以五雲辨年歲是雲與雨皆運行造化同昭天祀者
也前代及本朝

南郊大祀雲雨風雷皆列從壇之次式隆配饗典禮亦
既備矣邇年以來雲物兆祥雷行應候茂育庶彙宣
布陽和庇國佑民之德靈應顯然今欲特建廟宇虔

奉雲師雷師之神因時禱祀敬迓洪庥以展朕為民
祈禱之意其考據禮儀相度營建之處著禮工二部
詳議具奏欽此遵

旨議準大明集禮既稱雷雨在西風雲在東今雷師廟
宇應建於西方雷師照古制於立夏後申日致
祭惟雲師古無專祀日期應依明會典合祭之
期每歲於秋分後三日致祭其廟宇規制悉仿
宣仁廟式建造其封號並廟名匾額字樣交與內

閣撰擬進

呈

御覽恭候

欽定刊刻神牌製造匾額竣廟成之日欽天監選擇吉日敬謹供奉神像安設神牌懸挂匾額於都城道士內遴選住持雲師廟於每歲秋分後三日致祭雷師廟於每歲立夏後申日致祭並朔望祭品每日香燭一如

宣仁廟祀風神禮○是年

欽定雲師封號曰順時普蔭雲師之神廟曰凝和廟

雷師封號曰資生發育雷師之神廟曰昭顯廟○九年奏準建廟於

皇城西安門內以奉

皇城城隍之神歲祭之期及祭品遣官均與內

城隍廟同○是年

欽定皇城城隍廟曰永佑廟

欽定四庫全書

欽定大清會典則例卷一百六十一

欽定大清會典則例卷一百六十一

欽定四庫全書

史部

欽定大清會典則例卷一百六十三

詳校官檢討臣劉 玗

編修臣程嘉謨覆勘

總校官原任中允臣王燕緒

校對官中書臣范 鰲

謄錄監生臣鄒世俊

欽定四庫全書

欽定大清會典則例卷一百六十二

內務府掌儀司二

一朝會設樂順治初年定每年元日

乾清宮檐下陳設中和韶樂

乾清門內後檐下陳設丹陛大樂並元宵令節設

樂均奏交

乾清宮總管內監率本司首領內監陳設用教坊

司領樂官妻四人領教坊女樂於

宮門內排立奏樂○八年奉

旨停止教坊女樂入宮承應更用內監

一賜茶康熙十六年奏準議政處所需清茶以
內管領下服役人六名承直○十七年奉

旨內閣及太和門內大臣侍衛等皆著給清茶遵

旨奏準以內管領下服役人承直內閣六名

太和門十有二名每月一次於廣儲司領茶日用

芽茶四兩○雍正七年定各處永直清茶人役
議政處裁三名內閣裁一名

太和門裁三名○乾隆六年奉

旨御殿日大臣官員賜茶皆由光祿寺備辦八旗驍
騎分賜看來不甚整齊嗣後交尚茶房備茶內務
府各執事人及內府護軍分賜遵

旨奏準

皇帝御殿日據禮部來文移付尚茶房備茶四十甯

左右翼各二十甯按大臣官員坐次分賜令內
府各執事人八十名護軍六十名執茶甯茶碗
授茶時專委內務府司官四人護軍校四人監
視如有外藩來使酌量增人其監視司官護軍
校及頒茶護軍等移付都虞司各執事人移會
各院司等處委除○八年奏準嗣後恭遇

皇帝御殿日文武大臣官員賜茶據禮部來文付尚
茶房每旗備茶一甯共為八甯如有外藩來使

多備一簫其監視之司官護軍校照例委除執
茶簫頒茶之執事人護軍均減半

一進時憲書欽天監堂官奉至

太和門內府官接奉至

乾清門授內監奉進均由司移知

一進春乾隆元年奏準每年立春日據禮部來
文移咨宮殿監督領侍除內監接奉春山土牛
是日恭進

皇太后宮春山土牛本司官補服由永康左門引進至
慈寧門內監接進安設於

慈寧宮東暖閣恭進

皇帝春山土牛

皇后春山土牛禮部率順天府官府縣學生員昇至

後左門內監穿遜衣恭奉本司官補服導引至

乾清門宮殿監督領侍等蟒袍補服引進恭呈

御覽畢仍奉出安設於

太和殿之東暖閣恭進

皇后春山土牛安設於

保和殿東暖閣

一恭紀

玉牒黃冊順治初年定據宗人府來文呈堂具奏請
旨竢總管內監將未經載入

玉牒黃冊之

皇子

皇女

皇孫

皇孫女開送到時內務府總管一人送至宗人府
授宗令或宗正宗人一人祇受

一晉封

貴妃

妃

嬪所有一應分例本司移知各該處照例備辦

一

皇子婚禮康熙年間定由內務府承

旨交欽天監擇吉具奏至日

命大臣之命婦偕老者一人傳

旨福晉父祇受

命謝

恩行三跪九叩禮

皇子至外舅家行禮交欽天監擇吉具奏隨往之

內大臣散秩大臣侍衛護軍叅領護軍校護軍
移咨領侍衛內大臣護軍統領除委及迎娶以
年命相合之命婦二人生辰無忌之內務府總
管命婦一人內管領妻二人內務府總管一人
往迎用鑾儀衛紅檐幃轎校尉穿遜衣兩旁紅
氍二十條亦用穿遜衣校尉導引隨從用內府
官二十人護軍叅領一人護軍校四人護軍三
十六人執事納采禮成婚禮交欽天監擇吉均

設燕納采設筵五十席羊三十六隻酒五十鉶
成婚設筵六十席羊四十五隻酒六十鉶其與
燕之大臣侍衛官員由禮部辦理合卺禮羊五
隻其酒筵除夫婦偕老之內管領辦理

皇子婚娶前期於

皇太后

皇帝

皇后前行禮成婚次日偕福晉於

皇太后

皇帝

皇后前行禮如

行幸駐蹕或

巡狩方岳蒞

回鑾擇吉行禮○又定

皇子福晉納采禮給嵌東珠金領約一嵌東珠金

耳飾六嵌珍珠大小金簪各三各色表裏段百

疋棉三百斤貂皮一百四十張狐皮一百六十張白狐皮九十張

皇子福晉之父母各給朝服衣物有差若無職者其父母之朝衣停給合巹禮以八旗大員內夫婦偕老之命婦二人襄事賞其夫婦馬二匹表裏各二疋

皇孫婚娶納采成婚兩次設燕各減筵二十席酒十罇羊十隻納采減表裏二十疋棉五十斤餘

均與

皇子婚禮同

一公主下嫁順治年間定由內務府承

旨交欽天監擇吉具奏除大臣之夫婦偕老者一人

至日降

旨其妝奩衣飾金珠采幣婢女僕從莊頭馬駝帳房

器皿之屬照例具奏交該處備辦下嫁前一日

除年命相合內管領妻及執事婦人前往鋪設

妝奩下嫁日於

皇子福晉暨近支王福晉貝勒貝子夫人內年命
相合無忌者奏除一二人送親導引隨從內府
官二人內管領二人護軍叅領二人護軍校二
人護軍十有八人所有紅幃幃轎穿遶衣校尉
紅氍均與

皇子婚娶同合登禮用羊九其酒筵除夫婦偕老
之內管領辦理○王公之女奉

旨由

內廷遣嫁者視其品級應給妝奩及一應筵燕禮

儀均會禮部奏辦和碩公主郡主以下及宗女

下嫁其妝奩衣飾僕婢車馬之屬各有差等

詳見

禮部由內府給與者方照例辦給

一

內廷皇子分封後一切器用奏定每年分例按親

王郡王貝勒貝子公品爵多寡有差並移文各

該處照數供給

一筵燕外藩蒙古順治初年定每年除夕元宵

令節於

保和殿筵燕外藩蒙古王公台吉等豫期奏請應用饌筵九十席牲肉五九酒四十鉶若停止筵燕即將此饌筵分

賜諸蒙古王公台吉如元宵燕於

行幸駐蹕並同其每次進酒大臣於領侍衛內大臣

理藩院咨取職名由內務府奏請

欽點

一饗

先蠶乾隆七年建

先蠶壇於

西苑之東北隅以饗

先蠶之神○又議準每年季春之月

皇后親饗

先蠶由禮部豫劄欽天監選擇三月吉巳日致祭具
題請

旨

皇后親蠶先期致齋三日設齋戒牌銅人於

交泰殿屆期以太牢饗

先蠶之神行三獻禮飲福受胙並與

親饗

先農禮同

妃

嬪公主福晉以下文三品武二品大臣命婦以上

咸致齋陪祀至

先蠶壇執事應用女官典儀一人唱贊行禮贊引二人導引贊禮傳贊三人傳贊陪祀

妃

嬪以下行禮司香一人奉香盤司帛一人奠帛篚司爵一人獻爵奉福酒一人奉福酒以進受福

酒一人受福酒以退奉福胙一人奉福胙以進

受福胙一人受福胙以退

以上各備一人

前引十人於

贊引之前導引相儀二人於

皇后之後隨儀相贊又補闕八人以備諸執事有遺

闕者補之計四十六人於宮人內選充如不敷

用以內府暨八旗命婦能國語者充之均由內

務府遴選具奏宮殿監督領侍等先期選委內

監演禮其應用祭品及祭

先蠶樂章由各該衙門辦理並於內監中置蠶宮令
丞各一人專司蠶壇繭館諸務祭前一日質明
光祿卿御史禮部太常官赴神廚監視宰牲瘞
毛血內監設

皇后行禮幄次拜位於

壇上設

妃

嬪暨公主福晉拜位於

壇下設命婦拜位於甬道南均東西上北嚮○九年議準

皇后饗

先蠶應於寅正三刻內務府總管同太常寺堂官奏聞平明內鑾儀衛設儀駕宮殿監督領侍轉奏

皇后御禮服乘輿出宮詣

壇行禮○十四年遣內務府總管行禮三獻讀祝

一如遣官祭

先農壇之儀一應贊禮執事均用太常寺官○十八
年奏準遣官致祭

先蠶壇停止讀祝

一

皇后躬桑乾隆七年議準用蠶生未眠時風候和暖
之日即為期不須更擇吉日其蠶母蠶婦令內
務府於內府及八旗中遴選熟諳蠶事並無事
故者具奏

欽點蠶母六人使居繭館以督蠶事蠶婦二十七人
居蠶宮二十七從室各治蠶事如不得其人即
將康熙年間曾經內苑養蠶之人選為蠶婦於
內外命婦中擇年高者二人為蠶母承總其事
不必移居蠶室前期一月內務府交宮殿監督
領侍奏請

妃

嬪二位內務府奏請以公主福晉郡主貝勒貝子

夫人三人一二品大臣命婦四人恭從

皇后躬桑饗

先蠶之翼日如蠶未生則蒞蠶生如蠶已生即於是
日內務府總管以龍亭一設

皇后採桑金鉤黃筐以采亭二設

妃

嬪採桑銀鉤柘黃筐福晉夫人命婦鐵鉤朱筐昇

至

內右門宮殿監督領侍等受進陳於

交泰殿恭請

皇后御吉服閱鉤筐禮成內監昇亭出

內右門授蠶官用樂導引至壇內次日質明設

皇后儀駕於

順貞門外已刻內務府禮部堂官奏時宮殿監督

領侍奏請

皇后行躬桑禮

皇后吉服乘輿出宮

妃

嬪乘輿從各執事女官皆從

皇后至壇門外降輿前引命婦十人相儀二人恭導
皇后至具服殿傳贊引

妃

嬪以下各就東西採桑位視桑之行列為尊卑以
北為上凡陪祀入壇不從採桑者於臺下左右

序立班齊相儀奏請

皇后採桑掌儀司首領內監率歌採桑歌內監十人
司金鼓版篴笙簫內監二十四人麾五色采旗
內監四十人均於桑林外左右魚貫序立

皇后至桑林前傳贊引侍班福晉夫人命婦至臺南
左右隅南嚮立相儀一人跪進金鈎

皇后右手受之一人跪進筠筐

皇后左手受之採桑歌作一如

躬耕歌三十六禾辭之儀唱歌奏樂

皇后先至東第一株桑前東面採桑一條次至西第一株桑前仍東面採桑二條均蠶母二人助採
採畢歌止

皇后授筐鉤於相儀二人二人各跪受筐鉤仍設鉤於龍亭傳贊引侍班等復原位典儀奏請御觀
採桑臺

皇后由午陞陞臺陞座視

妃

嬪以下依次採桑

妃

嬪公主福晉夫人各採桑五條命婦各採桑九條
均蠶婦助之採畢釋鉤筐女官各設鉤於采亭

妃

嬪由臺東西陞陞侍立於臺上左右公主福晉以
下皆復位立典儀相儀引贊等彙取諸筐授蠶

母蠶母跪受之遂切葉以飼蠶告成於典儀

皇后還具服殿禮服

陞座傳贊引

妃

嬪以下命婦及蠶母蠶婦各就位行六肅三跪三拜禮禮成

皇后出殿率

妃

嬪至壇門外乘輿還宮蠶母蠶婦就蠶室將事計
居蠶室三月每月蠶母各給米二斛蠶婦半之
○九年奏準蠶事既畢據報繭成後擇吉奏請
皇后親詣

蠶宮是日質明蠶宮令獻酒果祭告

先蠶之神設縑絲器具於織室正殿

皇后常服乘輿出宮不設儀駕

妃

嬪皆常服乘輿從

皇后至壇門外降輿前引命婦十人導

皇后至繭館

妃

嬪隨入

皇后陞座蠶母以繭之圓潔者獻

皇后受繭更

親擇其圓潔者分器恭貯以俟

皇后還宮後恭獻

皇太后

皇帝

皇后擇繭畢仍分繭與

妃

嬪有差

皇后至繅絲處相儀命婦二人奉金盆注水蠶母納

繭於盆

皇后濯繭出絲者三蠶母助之次

妃

嬪縹絲各以五為節蠶婦助之禮成遂布於蠶婦

蠶母以禮成告

皇后率

妃

嬪至壇門外乘輿還宮所得之絲擇吉交織染局

染以朱綠元黃以供

郊廟祭祀之服○又奏準

皇后親蠶躬桑禮成執事女官四十六人各賞段二
疋紬二疋蠶母二人各賞銀二十兩蠶婦二十
七人各賞銀十兩

一饌筵除夕元正元宵等日恭進

皇太后

皇帝

皇后大燕饌筵

妃

嬪

皇子暨福晉公主郡主並下嫁外藩公主郡主等
饌筵均豫行奏請交所司按例備辦○正月初
二日至十六日每日進

皇太后

皇帝

皇后常筵

妃

嬪前常饌筵應否豫備奏請咨行各該處○除夕

元正元宵令節燕外藩王貝勒等饌筵暨

皇子成婚公主郡主等下嫁之筵席皆由司察看
如有不整齊者即行叅奏

一每日常饌

御用一筵

用金器

每

宮各一筵

賜大臣侍衛等二十筵

均銀器康熙三十四年停

○正月十六日

皇太后賜下嫁外藩公主郡主蒙古王福晉等燕所用

饌筵二十席豫期奏請交各該處備辦

一公主等及公主之子國舅等之子回國日

賜給果品米麪等物其未來公主等每年將果品米

麪等物各差人

賜給○康熙五十九年奏準令公主家人帶去

一每遇祈雨日禁止屠宰日素服日齋戒日不

給筵席

一果園

國初定廣寧果園壯丁無定額每年每丁徵銀三兩○順治初年定順天保定河間永平等府所屬州縣設果園一百三十六所共陳丁七百有五丁給養膳家口地二百七十一頃二十畝有奇每丁歲徵

盛京陳園丁三百五十一丁廣寧陳園丁一百十

有七丁均每丁歲徵銀三兩共陳丁千一百七十三丁歲徵銀三千五百十有九兩近

畿輔新園一百二十一所攜地來投共地八百七十頃四十七畝有奇每畝徵銀五分歲徵銀四千三百七十三兩有奇○又定

盛京廣寧關內三旗果園每三年一次奏請委官比壯丁選女子將餘丁編入冊內充補壯丁增納錢糧老者開除丁役關內果園新丁應入冊

者入冊不令增納錢糧○康熙十二年奏準

南苑內設果園五所各給地一頃十有九畝外各
給養贍家口地二頃十畝每年交納各種桃李
不徵收地畝錢糧○十六年奏準果房設掌果
二人司果執事十有二人專司徵收各色果品
以備各處供獻

內廷清茶房之用○二十二年奏準園頭等歲交
果品數目覈定價直於地丁錢糧內抵除○三

十九年奏準恭進

皇太后

皇帝

皇后所用果品據清茶房所傳交進各

宮暨諸

皇子公主自用果品各按定例隨時交送○又奏
準關內果園陳丁每園無得過六丁餘丁照會
計司都虞司例止載名於冊不徵丁銀○四十

五年奏準每年除本司官二人筆帖式二人直
年辦理果品登記簿籍增設委署掌果二人

盛京佐領下人員內選設筆帖式二人催長一人
領催三人各食本身錢糧催長關於領催內選
補領催關於驍騎內選補再於果園壯丁內選
設小領催六人各免應納丁糧小領催關於果
園壯丁內選補廣寧果園壯丁內選設催長一
人領催三人均免應納丁銀催長關於領催內

選補領催關於果園壯丁內選補令其承催各

該處錢糧果品其應進榛子山楂花紅香水梨

等項照例抵銷錢糧

榛子每斤斗三十六斤
盛京價銀五錢廣寧四錢

鮮山楂每斤三分蜜餞花紅山楂
每斤斗各一錢香水梨每箇一分

每年共交野

雞三千隻每隻作銀五分均準抵銷錢糧○五

十年奉

旨菜園頭果園頭子孫皆準其考試○五十八年定下

嫁公主不來

京城之年應送給蘋果柿子各二百梨三百栗子
黑棗各一斤斗停止委官往送即交公主家人
帶去○六十一年奏準園頭壯丁子弟內有願
考試者呈堂咨送各該旗一例考試○雍正二
年奏準新陳各園頭等子孫繁衍將入官地畝
增設新園二十六所各給地五頃計地一百三
十頃每歲按畝徵銀一錢歲徵銀一千三百兩

○四年奉

昔水旱事屬稀有莊頭等如遇水旱皆準其豁免錢糧
菜園果園不準豁免似屬不均今將此項錢糧寬免
嗣後倘遇水旱之年作何豁免之處定議具奏○又

奏準

盛京廣寧捕牲烏喇寧古塔等處園頭編丁選女

子等事交

盛京三旗佐領辦理

今歸盛京
內務府總管

○七年奏準新

園頭二十六名每名分交甜桃二十筐抵銷錢

糧

舊例每筐二十箇價銀二錢

照舊例於三旗陳新園頭內

每旗選三人為承催各給壯丁一名免其本身

應納丁糧○八年定新園頭二十六名分交核

桃五石抵銷錢糧

舊例每斤斗三十斤價銀六錢

○九年奏

準每年應徵錢糧數目編為十分其欠一分至

十分者官員領催處分有差三年至六年全完

者官員紀錄加級亦有差均與糧莊例同

詳見會計

司

○十年奏準三旗果園頭典賣與旗民人等

之官地官房皆撤回嗣後禁止私行典賣○十

三年定

盛京等處園頭壯丁等女子停選○乾隆二年奏
準園頭等交納果品除

盛京廣寧所出榛子山楂花紅香水梨并

京城所進

奉先殿薦新各色果品及桃李等項仍令交納抵銀外
餘照例徵收地丁銀交廣儲司庫直年官於廣

儲司領銀辦買以備

內廷應用○十年奏準園頭等被災地畝覈計應免錢糧即於本年應徵上年地丁銀內開除○十一年奏準園頭等偶被偏災即將項畝數目一面呈府存案一面報地方官該地方官即詳請附近大員委鄰境州縣及時監同履畝察勘按其分數詳報該督該督取具印結咨府察對與原報相符其應免差務與應給口糧即行照

例辦理有涉虛者罪之如地方官隱諱徇私附
近大員揭報該督叅劾○十三年定

盛京增新丁八十四名每丁徵銀三錢六分廣寧
增新丁三名每名徵銀四錢二分歲徵銀三十
一兩有奇

一內監品級順治年間定內監按十三衙門給
以品級○十八年裁內監品級○雍正四年

欽定宮殿監督領侍正四品宮殿監正侍從四品

即總管

宮殿監副侍正五品

即副總管

內廷侍從五品執事

侍六品內廷待詔六品內廷供奉七品執守侍

七品內廷供用八品侍監八品

均首領

內侍九品

凡內監等升降黜陟皆據宮殿監督領侍來文

呈堂移咨吏部

一本司補授首領內監康熙年間奏準首領內

監關於副首領內簡選奏請交

乾清宮總管

今宮殿監督領侍

引

見補授副首領闕由司於內監內簡選呈堂補授均
移付會計司增給錢糧○雍正十一年定首領
內監給以八品頂帶

一內監公費乾隆七年奉

旨掌儀司首領內監二名內監四十名皆著賞給公
費銀

欽定大清會典則例卷一百六十二